

Na temelju čl. 21. i 53. Zakona o mikrokreditnim organizacijama ("Službene novine Federacije BiH", broj: 59/06), čl. 5. stavak (1) točka h) i 19. stavak (1) točka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj: 75/17), članka 12. stavak (1) točka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj: 03/18), Upravni odbor Agencije za bankarstvo Federacije Bosne i Hercegovine, na elektronskoj sjednici održanoj 29.07.2020. godine donosi

ODLUKU
O IZMJENAMA I DOPUNAMA ODLUKE O MINIMALNIM STANDARDIMA ZA
DOKUMENTIRANJE KREDITNIH AKTIVNOSTI MIKROKREDITNIH
ORGANIZACIJA I PROCJENU KREDITNE SPOSOBNOSTI

Članak 1.

- (1) U Odluci o minimalnim standardima za dokumentiranje kreditnih aktivnosti mikrokreditnih organizacija i procjenu kreditne sposobnosti ("Službene novine Federacije BiH", broj 23/14), u članku 5. stavak (1) točka q) riječ „žiranta“, zamjenjuje se riječju „garanta“.
- (2) Točka p) se briše.
- (3) Dosadašnje točke q), r), s), t), u) i v) postaju točke p), q), r), s), t) i u).
- (4) Iza stavka (1) se dodaju novi st. (2), (3) i (4), koji glase:
„(2) Ovjeru dokumenata iz stavka (1) točke b) c) i d) ovog članka pored nadležnih institucija (sud, notar, općina i dr.) mogu vršiti i ovlašteni uposlenici MKO, na način kako je to propisano politikama i procedurama MKO, uz provođenje istog postupka koji je propisan za ovjeru dokumenata od strane nadležnih institucija i osiguranje adekvatnog sistema interne kontrole.
(3) MKO može ustrojiti elektronsku arhivu i dosije korisnika kredita voditi u elektronskom obliku, koji mora sadržavati svu dokumentaciju navedenu u stavku (1) ovog članka. Elektronska arhiva mora biti usklađena sa propisima koji regulišu predmetnu materiju.
(4) Način kreiranja, ažuriranja, zaštite i svih drugih aktivnosti po osnovu uspostavljanja elektronskog dosijea korisnika kredita iz stavka (3) ovog članka, MKO je u obvezi detaljno propisati internim aktom, osiguravajući pri tome punu usklađenost sa zakonskim propisima, sa ciljem minimiziranja potencijalnog pravnog rizika, odnosno rizika usklađenosti, kao i uspostavu adekvatnog sistema interne kontrole.“

Članak 2.

- (1) U članku 7. stavak (1) točka b) se na kraju riječi „godišnjih prihoda“ briše točka i stavlja interpukcijski znak „;“, iza kojeg se brišu rečenice koje glase: „Ukoliko se radi o primanjima koje nije moguće dokumentovati na navedeni način, MKO može uzeti u obzir prihode iz ekonomske djelatnosti ili drugi nedokumentirani prihod ukoliko glavni dužnik dostavi ovjerenu izjavu o ukupnim primanjima kao i izvore primanja koji se u slučaju izračuna ukupnih primanja ponderiraju sa maksimalno 60%. U cilju procjene tekućih i budućih finansijskih mogućnosti glavnog dužnika MKO treba uzeti u obzir prosječne troškove domaćinstva istog;“.
- (2) Iza točke b) se dodaje nova točka c) koja glasi:
„c) ovjerene izjave kod nadležnih institucija (općina, sud, notar i dr.) o primanjima ili izvorima primanja koje nije moguće dokumentirati na način kako je to navedeno u točki b) ovog stavka, odnosno ako je riječ o specifičnim djelatnostima kao npr. sitni poljoprivredni ili zanatski proizvođači kod kojih je evidentno postojanje takvih prihoda (a koji nisu u suprotnosti sa drugim zakonskim odredbama) i ukoliko su iskazani iznosi na izjavama

ekonomski razumni i realni. MKO može uzeti u obzir takvu izjavu u slučaju odobravanja namjenskih kredita, te da se izračun ukupnih primanja ponderira sa maksimalno 60%;
(3) Dosadašnja točka c) postaje točka d).

Članak 3.

Ova odluka stupa na snagu osmog dana od dana objavljivanja u "Službenim novinama Federacije BiH".

Broj: U.O.-47-02/20
Sarajevo, 29.07.2020. godine

PREDSJEDNICA
UPRAVNOG ODBORA

mr. sc. Ljerka Marić, dipl.ecc., v.r.